

明代傳記叢刊・名人類①
周駿富輯

皇明開國功臣錄
(一)

二十三卷

(明)黃

金撰

明文書局印行

原書係國立中央圖書館所藏
承蒙惠借影印，謹此致謝。

wt72/03

皇明開國功臣錄序

皇明之興

高皇帝以神靈睿聖不階尺土
而統一海宇再造華夏帝
王之烈于斯為盛于時文
武之士崛起淮泗翼奉
輦轂運籌發蹤攻城野戰之

功不可勝紀傳至于今蓋
百三十餘年諸顯融特著
者已載在人耳不朽其或
未封先逝或功高過大卒
以相掩雖其子孫有不得
知其祖考之迹况於他人
乎夫食粟思稷踐土思禹

君子謂之知本今吾承平
之人去鱗介之陋以即冠
裳之懿庸非諸公之賜邪
孔子曰微管仲吾其被髮
左衽矣所以昭前功也矧
知道之士生于其鄉顧聽
其泯泯而已哉定遠黃君

良貴生于

龍飛之鄉及諸公遺澤未斬之
際慨然有作擴摭搜羅發
微抉隱叅以往籍輯為一
書自徐魏公至指揮李觀
凡得若干人為錄若干卷
履歷緒業一覽而盡將以

傳域中而慰地下可謂知
本者矣昔炎漢之初蕭曹
張韓之功非不偉然大也
非司馬氏述而傳之於武
帝之世其後班固之史何
所考焉蓋紀事之籍近則
詳而實遠則畧而失真愈

遠愈失其蔽也罔然則黃
君之作所謂近而詳者也
夫其可少乎他日有班固
氏作而求遷史焉吾知其
必是書也君名金登甲辰
進士歷官吏部郎中廣西
藩叅致仕此其家食時所

脩可以觀其志矣併著以
考

正德二年歲舍丁卯夏五
月中浣之吉

賜進士及第嘉議大夫南京
吏部右侍郎前國子祭酒
春坊諭德翰林侍講同修

國史彙

經筵講官餘姚黃珣謹撰

皇明開國功臣爵序

功以開國言功之大者也功大不
紀無以顯白忠良揚厲勲烈昭宣
盛美紀大功而不詳且實焉無以
取信天下後世是故大功必錄錄
必求其有徵焉胡元亂極我
聖祖起而定之汛掃腥羶恢復綱常揭
日月以重光闢乾坤於再造實惟
諸臣輔之於是而語功其功不亦

大乎方

龍飛之初諸臣以豪傑勃起聲應景從
相與運謀效勇戮力征伐其克南
服取中原僂大寇殲群雄摧陷廓
清皆其功也竊觀其所以易實有
天心純佑者存不然何戰勝攻取
若操神柄而麾指之不數十年一
統成而元社屋一大異哉是知

聖祖神武天授啓運

謨烈出湯武而配

德充舜草茅賤臣非敢擬述至於諸
臣之功天畀佐運其洪龐偉偉卓
冠一世者可比伊呂其鏗鏘炳耀
聲光盪人者可比三傑其凡預載
定名掛策府者視雲臺麟閣之英
有不足多誠宜備書以昭
皇明興王之盛迴邁千古而乃一無論
議何耶嘗聞諸臣功能

國史甄錄殆備金匱秘藏莫得而窺
識者慨焉惟諸臣濠產者首赴義
魁望異能者多故大封元勲上公
通侯咸萃降而列武功爵天下莫
先故論功臣濠為盛廬次之出他
郡者又次之此亦大較等第而已
夫

國勲皆所願述惟濠

帝迹所始金生于斯濠源思功如處岐

下者思周居豐沛者思漢不尤倦
倦乎哉今夫人有一才藝一事為
有利國家即欲見知否則戚矣况
諸臣之功用夏變夷扶翊

皇祖為天地立心為生民立命為萬世
開太平顧不獲一表章之能無九
原之歎乎昔韓弘裴度等平淮蔡
一隅耳記之者謂有光大唐哉以
諸臣不知所立大小所繫輕重於

彼何如也於戲諸臣奮乎百祀之
上史不可見矣存之郡乘者又不
能什一欲撫成一家言殊無所
據金不愧聞劣窮力博求曰
制誥勅碑記誌銘序贊表傳得之於
諸籍若諸世家曰

御書行軍事略券文贈言家乘行狀得
之於其後裔史論得於學士大夫
傳聞得於故老外是紀典以稽